

Na osnovu člana 3. stav (1) Pravilnika o postupcima u provođenju Programa razvoja male privrede Hercegovačko-neretvanskog kantona 2021.-2024. godine („Službene novine HNK“, broj: 7/21 i 8/22, 18/2024), Strategije razvoja male privrede Hercegovačko-neretvanskog kantona 2023. – 2027. godina („Službene novine HNK“, broj: 10/23) i tačke I stav (3) *Odluke o usvajanju Programa utroška sredstava Ministarstva privrede s pozicije „Subvencije privatnim poduzećima i poduzetnicima (po odluci Vlade)“*, utvrđene Budžetom Hercegovačko-neretvanskog kantona za 2024. godinu, broj: 01-1-02-2907/24, od 04.12.2024. godine, a u vezi Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbe o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), Ministarstvo privrede Hercegovačko-neretvanskog kantona objavljuje

JAVNI POZIV
za odabir korisnika sredstava Ministarstva privrede s pozicije
„Subvencije privatnim poduzećima i poduzetnicima (po odluci Vlade)“
utvrđene Budžetom HNK za 2024. godinu

I PREDMET JAVNOG POZIVA

Predmet Javnog poziva je prikupljanje prijava - projektnih prijedloga za dodjelu bespovratnih sredstava Ministarstva privrede Hercegovačko-neretvanskog kantona (u daljem tekstu: **Ministarstvo**), s pozicije - „Subvencije privatnim poduzećima i poduzetnicima (po odluci Vlade)“, utvrđene u razdjelu 36, potrošačka jedinica 0003, ekonomski kod - 614500 Budžeta Hercegovačko-neretvanskog kantona za 2024. godinu („Službene novine HNK“, broj: 3/24).

Prikupljanje prijava za dodjelu bespovratnih sredstava vršit će se u skladu sa *Odlukom o usvajanju Programa utroška sredstava Ministarstva privrede s pozicije „Subvencije privatnim poduzećima i poduzetnicima (po odluci Vlade)“ utvrđene Budžetom HNK za 2024. godinu*, broj: 01-1-02-2907/24, od 04.12.2024. godine (u daljem tekstu: **Odluka o usvajanju Programa utroška sredstava Ministarstva**).

II MJERE, CILJEVI MJERA, KORISNICI SREDSTAVA, NAMJENA, USLOVI ZA APLICIRANJE, KRITERIJI RASPODJELE

Odlukom o usvajanju Programa utroška sredstava Ministarstva, iz tačke I ovog Javnog poziva, utvrđene su mjere - LOT- ovi, ciljevi mjera, korisnici sredstava, namjena, uslovi koje moraju zadovoljiti podnosioci zahtjeva za bespovratnim sredstvima (aplikanti), kriteriji raspodjele, te maksimalni iznosi sredstava koja će biti dodijeljena odabranim korisnicima, prema utvrđenim kriterijima.

Mjere su razvrstane u pet (5) LOT-ova i to:

LOT 1 - POTICAJ PODUZETNICIMA POČETNICIMA 150.000,00 KM

Ciljevi: stvaranje uslova za osnivanje novih subjekata male privrede; povećanje broja subjekata male privrede, na području HNK; kreiranje novih radnih mjesta.

Korisnici sredstava: subjekti male privrede (**fizička i pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Izvor: Budžet HNK.

Iznos poticajnih sredstava: 150.000,00 KM.

Način korištenja poticajnih sredstava (namjena):

- troškovi prve registracije subjekta male privrede;
- nabavka opreme, računarske opreme, softverskih rješenja i materijala za rad;
- troškovi za pravne, savjetodavne i administrativne usluge;
- troškovi obuke i stručnog osposobljavanja zaposlenika;
- novo zapošljavanje;
- uređenje prostora za rad;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi:

Pravo prijave za poticajna sredstva Ministarstva imaju subjekti male privrede i to:

a) fizička lica, koja:

1. se bave obrtima,
2. su registrovana nakon 01.01.2023. godine,
3. imaju minimalno jednog (1) zaposlenog.

b) pravna lica, koja:

1. su registrovana nakon 01.01.2023. godine,
2. imaju minimalno jednog (1) zaposlenog,
3. se bave sljedećim djelatnostima (razvrstanim prema KD BiH 2010):

I. prerađivačkom industrijom (C), (oblasti od C10 - C33), **osim slijedećih djelatnosti, za koje se ne može prijavljivati:**

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prevoznih sredstava i opreme
C30	30.4	Proizvodnja vojnih borbenih vozila

II. informacijama i komunikacijama (J), **i to samo djelatnost J62** - računarsko programiranje, savjetovanje i djelatnosti u vezi s njima;

III. stručne, naučne i tehničke djelatnosti (M), **i to samo djelatnost M71.12** - inženjerske djelatnosti i s njima povezano tehničko savjetovanje.

Fizička i pravna lica nemaju pravo prijave u slučaju:

- ako su registrovani kao dopunsko zanimanje (samo za fizička lica);
- ako su registrovani kao sezonsko zanimanje (samo za fizička lica);
- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2024. godini.

Kriteriji za odabir korisnika: broj zaposlenih; pripadnost vlasnika ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje.

Sredstva se dodjeljuju korisnicima:

fizičkim licima (obrtima) - maksimalno do 6.000,00 KM,
pravnim licima - maksimalno do 10.000,00 KM.

LOT 2 - POTICAJ MALOJ PRIVREDI ZA NABAVKU OPREME I ALATA 580.000,00 KM

Ciljevi: jačanje konkurentnosti subjekata male privrede, sa područja HNK, kroz podršku u nabavi opreme i alata za rad, neophodnih za jačanje potencijala u strateškim privrednim oblastima; podrška inovativnosti i digitalizaciji male privrede;

Korisnici sredstava: subjekti male privrede - **isključivo pravna lica**, sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Izvor: Budžet HNK.

Iznos poticajnih sredstava: 580.000,00 KM.

Način korištenja poticajnih sredstava (namjena):

- nabavka opreme i alata za rad koji su namjenjeni djelatnosti koju aplikant obavlja;
- troškovi obuke i stručnog osposobljavanja zaposlenika; novo zapošljavanje;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi: pravo prijave za poticajna sredstva Ministarstva imaju subjekti male privrede - **pravna lica**, registrovana najkasnije do 31.12.2022. godine:

a) koja se bave djelatnostima (razvrstanim prema KD BiH 2010), i to:

1. vađenjem rude i kamena (**B**), (oblasti od B05 - B09), **osim slijedećih djelatnosti, za koje se ne mogu prijavljivati:**

Grana	Razred	Naziv
B06	06.10	Vađenje sirove nafte
B06	06.20	Vađenje prirodnog plina

2. prerađivačkom industrijom (C), (oblasti od C10 - C33), **osim slijedećih djelatnosti, za koje se ne mogu prijavljivati:**

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prevoznih sredstava i opreme
C30	30.4	Proizvodnja vojnih borbenih vozila

3. informacijama i komunikacijama (J), **i to samo djelatnost J62** - računarsko programiranje, savjetovanje i djelatnosti u vezi s njima;

4. stručne, naučne i tehničke djelatnosti (M), **i to samo djelatnost M71.12** - inženjerske djelatnosti i s njima povezano tehničko savjetovanje;

b) koja su pozitivno poslovala u 2023. godini;

Pravna lica nemaju pravo prijave u slučaju:

- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2024. godini

Kriteriji za izbor korisnika: broj zaposlenih; stepen sufinansiranja; pripadnost vlasnika ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; dobijeni poticaji od strane Ministarstva u posljednje tri (3) godine; novo zapošljavanje.

Sredstva se dodjeljuju korisnicima u visini do maksimalno:

- za mikro poduzeća (od 1 do 9 zaposlenih) maksimalno do 12.000,00 KM;
- za mala poduzeća (od 10 do 49 zaposlenih) maksimalno do 22.000,00 KM ;
- za srednja poduzeća (od 50 do 249 zaposlenih) maksimalno do 32.000,00 KM.

LOT 3 - POTICAJ OBRTIMA, STARIM I TRADICIONALNIM DJELATNOSTIMA

270.000,00 KM

Ciljevi: razvoj obrta, očuvanje zanatskih vještina i umijeća obavljanja djelatnosti, sa pretežno ručnim radom, očuvanje kulturno - istorijskog naslijeđa.

Korisnici sredstava: subjekti male privrede - **isključivo fizička lica**, sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj:4/10, 1/13, 1/16).

Izvor: Budžet HNK.

Iznos poticajnih sredstava: 270.000,00 KM.

Način korištenja poticajnih sredstava (namjena):

- modernizacija i adaptacija prostora za rad;
- troškovi obuke i stručnog osposobljavanja zaposlenika;
- nabavka opreme, računarske opreme, softverskih rješenja i materijala za rad;
- promocija i sajamske aktivnosti;
- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi: pravo prijave za poticajna sredstva Ministarstva imaju subjekti male privrede - **fizička lica**, koja se bave obrtom (**osim djelatnosti koje su navedene u tabeli ispod**) i imaju najmanje jednog (1) zaposlenog.

Djelatnosti, za koje se obrtnici **ne mogu prijavljivati, su:**

Grana	Razred	Naziv
H49	49.32	Taksi služba
H49	49.41	Cestovni prevoz robe
M69	69.20	Računovodstvene, knjigovodstvene i revizijske djelatnosti; porezno savjetovanje
S96	96.02	Frizerski i drugi tretmani za uljepšavanje
S96	96.04	Djelatnost za njegu i održavanje tijela

Fizička lica nemaju pravo prijave u slučaju:

- ako su registrovani kao dopunsko zanimanje;
- ako su registrovani kao sezonsko zanimanje,
- ako su bili korisnici sredstava po Javnom pozivu Federalnog ministarstva razvoja poduzetništva i obrta u 2024. godini.

Kriteriji za izbor korisnika: broj zaposlenih; pripadnost vlasnika obrta ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; dobijeni poticaji od strane Ministarstva u posljednje tri (3) godine); novo zapošljavanje.

Sredstva se dodjeljuju korisnicima u visini do maksimalno 5.000,00 KM.

LOT 4 - POTICAJ NAUČNO ISTRAŽIVAČKIM INSTITUCIJAMA 225.000,00 KM

Cilj: pružanje podrške u boljem povezivanju subjekata male privrede sa naučno – istraživačkim institucijama.

Korisnici sredstava: akreditovane javne visokoškolske / naučno – istraživačke institucije, sa sjedištem na području HNK,

Izvor: Budžet HNK.

Iznos poticajnih sredstava: 225.000,00 KM.

Način korištenja poticajnih sredstava (namjena):

- sufinansiranje troškova obuka i startup programa, savjetodavnih usluga, posjeta specijaliziranim konferencijama;
- nabavka opreme i alata za vlastite laboratorije u cilju unapređenja obuka;
- sufinansiranje organizacije specijaliziranih konferencija i work shopova;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja).

Uslovi: pravo prijave za poticajna sredstva Ministarstva imaju naučno – istraživačke institucije sa sjedištem na području HNK

Kriteriji za izbor korisnika: broj realiziranih projekata sa subjektima male privrede u posljednjih 10 godina; stepen sufinansiranja; broj korisnika obuka; broj stalno zaposlenih angažovanih na realizaciji projekta;

Sredstva se dodjeljuju korisnicima u visini do maksimalno 50.000,00 KM.

LOT 5 – POTICAJ KLASTERIMA 75.000,00 KM

Ciljevi: podrška poduzetnicima na udruživanju i umrežavanju u cilju jačanja konkurentnosti i uspješnosti poslovanja; podrška radu formiranim klasterima sa područja HNK u kreiranju novih proizvoda usaglašeni sa evropskim standardima energije, ekologije i zaštitne životne sredine; kreiranje novih radnih mjesta.

Korisnici sredstava: udruženja (formirani klasteri) koja su registrovani na kantonalnom, federalnom ili državnom nivo, sa sjedištem na području HNK i čije članice se bave prerađivačkom industrijom.

Izvor: Budžet HNK.

Iznos poticajnih sredstava: 75.000,00 KM.

Način korištenja poticajnih sredstava (namjena):

- sufinansiranje organizacije specijaliziranih konferencija;
- podrška opstanku, digitalizaciji i razvoju klusterskog povezivanja;
- obuka i stručno obučavanje zaposlenika članica klastera;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, noćenja), plaće i ostala primanja zaposlenih, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade.

Kriteriji za izbor korisnika: sufinansiranja projekta iz drugih izvora; broj članica u klasteru; broj zaposlenih u svim članicama klastera, broj godina prisustva na tržištu.

Sredstva se dodjeljuju korisnicima u visini do maksimalno 25.000,00 KM

III PRAVO PRIJAVE NA JAVNI POZIV

Pravo prijave na Javni poziv Ministarstva imaju samo subjekti male privrede - pravna lica i fizička lica (obrtnici), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, koji su eksplicitno

utvrđeni kao korisnici sredstava, za svaku pojedinu mjeru - LOT iz tačke II Javnog poziva.

Osim što su za korisnike sredstava, uz svaki LOT, iz tačke II, navedeni i dodatni uslovi, kao eliminatorni, prilikom razmatranja prijava na Javni poziv također će **automatski biti odbačena** (odnosno, neće se uzimati u razmatranje):

- a) elektronski nepopunjena i/ili nepotpuna prijava;
- b) prijava, zaprimljena nakon isteka roka trajanja Javnog poziva;
- c) prijava, koja ne sadrži kumulativno opće i posebne priloge, koji se zahtijevaju u Javnom pozivu;
- d) prijava aplikanta koji nije izvršio usklađivanje registrovanih djelatnosti sa Strukturom klasifikacije djelatnosti BiH 2010. (KD BiH 2010.), („Službeni glasnik BiH“, broj: 47/10);
- e) prijava aplikanta koji je izvršio izmjenu šifre djelatnosti nakon objave Javnog poziva;
- f) prijava aplikanta koji nije priložio dokumentaciju ovjerenu na način propisan u tački IV (ispod naslova: **Važne napomene**) ovog Javnog poziva;
- g) prijava aplikanta, u kojoj se od Ministarstva zahtijeva **veći** iznos, od pojedinačnih limita, utvrđenih za svaku mjeru (LOT), iz tačke II ove Odluke;
- h) prijava aplikanta koji, do objave Javnog poziva, nije opravdao od Ministarstva dodijeljena finansijska sredstva poticaja, iz prethodne, 2023. godine;
- i) prijava aplikanta - primaoca državne pomoći male vrijednosti - de minimis, kojem su dodijeljena bespovratna poticajna sredstva, iz budžeta bilo kojeg nivoa vlasti u BiH, u tri (3) uzastopne fiskalne godine, u iznosu preko 200.000 € **osim za LOT 4;**
- j) prijava aplikanta - korisnika poticajnih sredstava, kojemu je pravosnažnom odlukom suda izrečena kazna za prekršaj, koji se odnosi na nenamjensko korištenje sredstava poticaja, implementaciju sredstava nakon isteka ugovorenog roka, nedostavljanje, u roku, pismenog izvještaja o implementaciji odobrenih sredstava, uz odgovarajuće dokaze, obzirom da korisnik ne može aplicirati za poticaj, shodno članu 33. Zakona o poticaju razvoja male privrede i zaštiti tradicionalnih djelatnosti (obrta), u periodu od pet (5) godina, računajući od dana pravosnažnosti odluke o prekršaju, kojom je proglašen krivim.
- k) ukoliko aplikant prijavi više od jednog projektnog prijedloga, **osim za LOT4**

Sve kategorije aplikanata, koje se prijavljuju na Javni poziv, moraju biti u većinskom vlasništvu državljanina Bosne i Hercegovine (minimalno **51%**).

IV SADRŽAJ PRIJAVE NA JAVNI POZIV

Prijava na Javni poziv mora biti urađena **sadržajno i redosljedom**, prema elementima koji se zahtijevaju, ovisno o pojedinoj mjeri - LOT- u.

Da bi prijava aplikanta (podnosioca zahtjeva) bila uzeta u razmatranje, moraju **kumulativno** biti ispunjeni sljedeći osnovni uslovi:

- a) da aplikant podnese prijavu na obrascu - *Zahtjev za uključivanje u Program;*
- b) da ponudi sažetak projektnog prijedloga (u obrascu *Zahtjeva za uključivanje u Program;*)

- c) da dostavi opće i posebne priloge (navedene u Javnom pozivu, za svaki pojedini LOT).
 d) da je prijava uvezana jamstvenikom, svaka stranica numerisana i parafirana, i ovjerena pečatom aplikanta.

Zahtjev za uključivanje u Program

Pod ovim se podrazumijeva uredno popunjen obrazac - *Zahtjev za uključivanje u Program* (u daljem tekstu: **Zahtjev**), u kojem mora biti sažetak projektnog prijedloga aplikanta, gdje treba navesti sve bitne elemente projekta.

U Zahtjevu se navode i osnovni podaci, koji se traže o aplikantu (naziv aplikanta, adresa sjedišta, općina/grad, kanton, zakonski zastupnik, kontakt osoba, pravni status, vlasništvo, vrsta i šifra djelatnosti, identifikacioni broj (broj poreznog obveznika), transakcijski broj/naziv poslovne banke aplikanta), broj trenutno zaposlenih i broj osoba koje aplikant namjerava zaposliti, iznos bespovratnih sredstava koja traži od Ministarstva, kao i iznos vlastitih sredstava, koja će aplikant uložiti u realizaciju neke od mjera (LOT- ova), iz tačke II ovog Javnog poziva.

Zahtjev mora biti ovjeren potpisom i pečatom od strane ovlaštene osobe aplikanta.

Obrazac Zahtjeva se preuzima sa web stranice Ministarstva (www.privredahnk.gov.ba) i popunjava isključivo elektronski.

Opći prilozi

Pod općim prilozi se podrazumijeva dokumentacija koja se zahtijeva od svakog aplikanta, bez obzira na kategoriju kojoj pripada, kojom se nesumnjivo dokazuje da je on kompetentan, pouzdan i da redovno ispunjava svoje zakonske obaveze, vezane za njegovo poslovanje (uplata direktnih i indirektnih poreza i doprinosa), te da će poticajna sredstva upotrijebiti namjenski (u skladu sa uslovima iz Javnog poziva).

Lista općih priloga koji se zahtijevaju:

- a) Obavještenje o razvrstavanju pravnog lica prema klasifikaciji djelatnosti, koje izdaje Federalni zavod za statistiku (**ovjerena kopija**);
- b) Lista osiguranih lica za obveznika, koju izdaje Porezna uprava Federacije BiH, sa datumom nakon objave Javnog poziva (**original**);
- c) Aktualni izvod iz sudskog registra (**original**), ne stariji od (1) jednog mjeseca, računajući od datuma objave Javnog poziva - za pravna lica; Rješenje o registraciji, od nadležnog općinskog / gradskog organa - za fizička lica (obrte), (**ovjerena kopija**);
- d) Uvjerenje o poreznoj registraciji (**ovjerena kopija**); Rješenje o registraciji izdato od nadležnog ministarstva za klastere (**ovjerena kopija**);
- e) Uvjerenje / potvrda o registraciji poreza na dodanu vrijednost - PDV (ukoliko je u sistemu PDV-a, u skladu sa Zakonom o porezu na dodanu vrijednost) - (**ovjerena kopija**);
- f) Uvjerenje / potvrda o izmirenju direktnih poreza (doprinosa za PIO/MIO i doprinosa za zdravstveno osiguranje), koju izdaje Porezna uprava Federacije BiH (**original**);
- g) Uvjerenje / potvrda o redovnom izmirenju indirektnih poreza, koju izdaje Uprava za indirektno oporezivanje (ukoliko je u sistemu PDV-a, u skladu sa Zakonom o porezu na dodanu vrijednost), (**original**);
- h) Uvjerenje / potvrda od nadležnog suda da nije pokrenut stečaj / likvidacija privrednog subjekta, odnosno, uvjerenje od nadležne službe općine / grada da

fizičko lice (obrt) nije prestao djelovati, ili da nije pokrenut postupak brisanja **(original)**;

- i) Uvjerenje / potvrda o državljanstvu za većinskog vlasnika/e u pravnom licu, odnosno za vlasnika/e većinskog udjela u društvu, ili većinskog paketa dionica; uvjerenje / potvrda o državljanstvu za vlasnika obrta **(original ili ovjerena kopija)**;
- j) Potvrda banke o transakcijskom računu pravnog lica / obrta **(original)**;
- k) Izjava **(I-1)**, (obrazac koji se preuzima sa web stranice Ministarstva) o neosuđivanosti i nevođenju postupka, po osnovu privrednog kriminala fizičkog lica, odnosno odgovornog lica u pravnom licu, potpisana od strane aplikanta i ovjerena kod nadležnog organa uprave ili notara;
- l) Izjava **(I-2)**, (obrazac koji se preuzima sa web stranice Ministarstva) o primljenoj državnoj pomoći male vrijednosti, od bilo kojeg nivoa vlasti u BiH (de minimis), koja je aplikantu dodijeljena u prethodne dvije fiskalne godine (2022.- o j i 2023.- o j), te u tekućoj fiskalnoj godini, u skladu sa Zakonom o sistemu državne pomoći u BiH („Službeni glasnik BiH“, broj: 10/12, 39/20) i Uredbom o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), potpisana od strane aplikanta i ovjerena kod nadležnog organa uprave ili notara **osim za LOT 4**;
- m) Izjava **(I-3)**, (obrazac koji se preuzima sa web stranice Ministarstva) o namjenskom utrošku sredstava poticaja, potpisana od strane aplikanta i ovjerena kod nadležnog organa uprave ili notara.

Posebni prilozi

Posebni prilozi se zahtijevaju od aplikanta, ovisno o uslovima, utvrđenim za svaku pojedinu mjeru - LOT, iz tačke II ovog Javnog poziva.

Lista posebnih priloga koji se zahtijevaju:

- a) Izvještaj o finansijskom poslovanju - bilans uspjeha za 2023. godinu - **(za LOT broj 1 i 2.)**, osim ako je subjekt registrovan nakon 01.01.2024. godine **(ovjerena kopija)**;
- b) Potvrda o invalidnosti za većinskog vlasnika u pravnom licu, odnosno za vlasnika /e većinskog udjela u društvu, ili većinskog paketa dionica, potvrda o invalidnosti za vlasnika obrta - **(za LOT- ove broj 1, 2 i 3.)**, **(ovjerena kopija)**;

Subjekt male privrede (pravno ili fizičko lice) koji je registrovan u periodu kraćem od 3 (tri) mjeseca, računajući od dana objave Javnog poziva u „Službenim novinama HNK“, nije obavezan dostaviti dokumentaciju kojom dokazuje uredno izmirenje direktnih poreza (doprinosa za MIO / PIO i zdravstveno osiguranje) i indirektnih poreza **(ovo se odnosi samo na LOT broj 1.)**.

Važne napomene:

- 1) Aplikant je obavezan navesti sve osnovne podatke u obrascu - *Zahtjev za uključivanje u Program* i odgovara za istinitost svih svojih navoda, a uz zahtjev je dužan dostaviti, istovremeno, i sve opće i posebne priloge, koji se traže za pojedini LOT.

- 2) Popis potrebne dokumentacije (tenderska dokumentacija za svaki LOT pojedinačno), iz tačke II Javnog poziva, preuzima se sa službene web stranice Ministarstva - (www.privredahnk.gov.ba).
- 3) Na svakom od dostavljenih uvjerenja / potvrda, koje aplikant prilaže uz prijavu, **mora jasno biti naznačena svrha: „prijava na Javni poziv Ministarstva privrede HNK“**.
- 4) Na dokumentima koji se prilažu u ovjerenoj kopiji, **datum ovjere** ne smije biti stariji od tri (3) mjeseca, računajući od dana objave Javnog poziva u „Službenim novinama HNK“.
- 5) Prijava mora biti uvezana jamstvenikom, svaka stranica numerisana i parafirana, i ovjerena pečatom aplikanta.

V KRITERIJI ZA OCJENU PRIJAVA I ODABIR KORISNIKA

Kriteriji za odabir korisnika, i ocjenu prispjelih prijava, utvrđeni su posebno za svaki LOT, u tački II ovog Javnog poziva.

Ministar privrede HNK (u daljem tekstu: **Ministar**) imenuje Komisiju za provođenje Javnog poziva za odabir korisnika poticajnih sredstava Ministarstva (u daljem tekstu: **Komisija**).

U prvoj fazi rada, Komisija vrši administrativnu provjeru prispjelih prijava na Javni poziv Ministarstva, a nakon toga, u drugoj fazi rada, i ocjenjivanje prijava, koje ispunjavaju formalno-pravne uslove, prema kriterijima, utvrđenim u Odluci o usvajanju Programa utroška sredstava Ministarstva (u tački II ovog Javnog poziva), sve u skladu sa odredbama Pravilnika o postupcima u provođenju Programa razvoja male privrede HNK 2021.-2024. godine („Službene novine HNK“, broj: 7/21 i 8/22, 18/24).

Komisija može dodijeliti pojedinoj prijavi maksimalno do **100** bodova.

Ocjenjivanje prijava na Javni poziv Komisija vrši na osnovu sljedećih kriterija i pripadajućih bodova za iste:

LOT 1 - POTICAJ PODZETNICIMA POČETNICIMA

1. Broj zaposlenih osoba	10
2. Vlasnik žena	10
3. Vlasnik osoba mlađa od 35 godina	10
4. Vlasnik iz kategorije ranjivih lica (demobilisani borci, članovi porodica poginulih boraca, invalid, osobe sa posebnim potrebama)	10
5. Ravnomjerna teritorijalna zastupljenost	15
6. Stepenn sufinansiranja	25
7. Novo zapošljavanje	20
Ukupno bodova:	100

LOT 2 - POTICAJ MALOJ PRIVREDI ZA NABAVKU OPREME I ALATA

1. Broj zaposlenih osoba	10
2. Vlasnik žena	10
3. Vlasnik osoba mlađa od 35 godina	10
4. Vlasnik iz kategorije ranjivih lica (demobilisani borci, članovi porodica poginulih boraca, invalid, osobe sa posebnim potrebama)	10
5. Ravnomjerna teritorijalna zastupljenost	15
6. Stepenn sufinansiranja	20
7. Dobijeni poticaji od strane Ministarstva u posljednje tri (3) godine	15
8. <u>Novo zapošljavanje</u>	<u>10</u>
Ukupno bodova:	100

LOT 3 - POTICAJ OBRTIMA, STARIM I TRADICIONALNIM DJELATNOSTIMA

1. Broj zaposlenih osoba	10
2. Vlasnik žena	10
3. Vlasnik osoba mlađa od 35 godina	10
4. Vlasnik iz kategorije ranjivih lica (demobilisani borci, članovi šehidskih porodica, invalidi, osobe sa posebnim potrebama)	10
5. Ravnomjerna teritorijalna zastupljenost	15
6. Stepenn sufinansiranja	20
7. Dobijeni poticaji od strane Ministarstva u posljednje tri (3) godine	15
8. <u>Novo zapošljavanje</u>	<u>10</u>
Ukupno bodova:	100

LOT 4 - POTICAJ NAUČNO ISTRAŽIVAČKIM INSTITUCIJAMA

1. Broj realiziranih projekata sa subjektima msp u proteklih 10 g	25
2. Stepenn sufinansiranja	30
3. Broj korisnika obuka	25
4. <u>Broj stalno zaposlenih angažovanih na realizaciji projekata</u>	<u>20</u>
Ukupno bodova:	100

LOT 5 - POTICAJ KLASTERIMA

1. Sufinansiranje projekta iz drugih izvora	25
2. Broj članica u klasteru	25
3. Broj zaposlenih u svim članicama klastera	25
4. <u>Broj godina prisustva na tržištu</u>	<u>25</u>
Ukupno bodova:	100

Nakon završenog ocjenjivanja, Komisija sačinjava **listu uspješnih prijava na Javni poziv**, rangiranih po broju ostvarenih bodova, za svaki pojedini LOT, te pismeni Izvještaj o radu Komisije i dostavlja ih Ministru, u dalju proceduru.

Ministar utvrđuje prijedlog Odluke o odabiru korisnika poticajnih sredstava Ministarstva, kojeg dostavlja Vladi na usvajanje.

Konačnu Odluku o odabiru korisnika poticajnih sredstava donosi Vlada HNK.

Odluka o odabiru korisnika poticajnih sredstava Ministarstva, koju donese Vlada HNK, objavljuje se u „Službenim novinama HNK“ i na službenoj web stranici Ministarstva.

Podnosilac prijave na Javni poziv Ministarstva, koji ne bude odabran Odlukom o odabiru korisnika sredstava, može uložiti prigovor Žalbenom vijeću Hercegovačko-neretvanskog kantona, u roku od sedam (7) dana, od dana objave rezultata Javnog poziva u „Službenim novinama HNK“, radi provjere činjenica, vezanih za ocjenu njegove prijave.

Vlastita sredstva, kojima korisnik sudjeluje u realizaciji projekta, Ministarstvo će priznati samo ako su ista utrošena **isključivo najdalje 3 mjeseca prije objave ovog Javnog poziva** u „Službenim novinama HNK“.

VI NAČIN PODNOŠENJA PRIJAVE NA JAVNI POZIV

Prijava na Javni poziv (Zahtjev) se podnosi Ministarstvu na aplikacijskom obrascu, koji se preuzima elektronskim putem, sa web stranice Ministarstva - www.privredahnk.gov.ba, a popunjava se **isključivo elektronski**.

Prijava, sa potrebnim priložima, šalje se preporučenom poštom, u zapečaćenoj kovrti, na adresu:

**HERCEGOVAČKO-NERETVANSKI KANTON
MINISTARSTVO PRIVREDE**

Husnije Repca bb, 88000 Mostar

sa naznakom:

„NE OTVARATI“

Prijava po Javnom pozivu za odabir korisnika poticajnih sredstava Ministarstva privrede HNK, za LOT, broj: _____, _____
(upisati puni naziv LOT-a)

Na poleđini koverta obavezno se navodi: naziv aplikanta (pravnog ili fizičkog lica/obrta), ime i prezime odgovornog lica, adresa i kontakt telefon aplikanta, te se navedeni podaci ovjeravaju pečatom aplikanta.

Rok za dostavu prijave je **petnaest (15) dana**, računajući od dana objave ovog Javnog poziva u „Službenim novinama HNK“.

Dokumentaciju, koja je priložena uz prijavu, Ministarstvo nije dužno vratiti aplikantu.

VII TROŠKOVI PRIJAVE

U postupku po ovom Javnom pozivu Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli, radi apliciranja na određeni LOT, kao ni njihove troškove.

VIII ZAVRŠNE ODREDBE

Ministarstvo zadržava pravo da dostavljene projektne prijedloge aplikanta prihvati u cijelosti, djelimično, ili ih odbije, da poništi Javni poziv, zbog opravdanih razloga, ili da odbaci sve projektne prijedloge, u bilo koje vrijeme, prije zaključenja pojedinačnih ugovora sa budućim korisnicima poticajnih sredstava.

Nakon što Vlada HNK donese Odluku o odabiru korisnika poticajnih sredstava, sa subjektima male privrede, koji budu uvršteni u listu korisnika sredstava, Ministarstvo zaključuje pojedinačne ugovore o implementaciji poticajnih sredstava (u daljem tekstu: **ugovor**).

Ugovor obavezno sadrži: predmet i cilj ugovora, visinu, namjenu i rok implementacije odobrenih sredstava, prava i obaveze ugovornih strana (kao što su način izvještavanja o utrošku sredstava, inspeksijski nadzor nad utroškom sredstava, u svrhu za koju su odobrena, sankcije u slučaju nepoštivanja ugovora i ostalo), uslove za raskid ugovora, te rješavanje eventualnih sporova.

Ugovor stupa na snagu kada ga uredno potpišu obje ugovorne strane, s tim da rok za implementaciju projekta, u trajanju od **najduže šest (6) mjeseci**, počinje teći od dana uplate novčanih sredstava na račun korisnika.

Nakon isteka roka za implementaciju projekta, u periodu od **najviše 30 dana**, svaki korisnik sredstava je dužan dostaviti Ministarstvu elektronski popunjen obrazac *Izveštaja o implementaciji dodijeljenih sredstava*, sa relevantnom dokumentacijom, kojom se dokazuje namjenski utrošak sredstava.

Sve dopunske informacije, vezane za ovaj Javni poziv, mogu se dobiti svakim radnim danom, putem telefona Ministarstva, broj 036/551-069, **u periodu od 11-13 sati**.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO PRIVREDE

Broj: 03-24-638/24-11
Mostar, 05.12.2024.godine

Ministar

Zanin Vejzović

v.r.